



2022-2023 DENBORALDIKO GAZTE ABONOA LORTZEKO OINARRI OROKORRAK

Izena emateko epea: 2022ko uztailaren 20tik (asteazkena) 10:00etatik aurrera eta uztailaren 26ra (asteartea) 18:00etara arte.

Zozketa (izena emandakoak 2.000 plazak baino gehiago badira): 2022ko uztailaren 27a.

Adina: 14 eta 28 urte bitartekoentzat. 1993ko abuztuaren 16aren eta 2009ko maiatzaren 28aren artean jaitakoak, biak barne.

Abono-tipologiak:

Normala

2022-2023 Gizonezkoen lehen taldeko LaLigako partidak.

Bikain

2022-2023 LaLigako partidak

Emakumezkoen taldeak denboraldi osoan zehar Lezaman edo/eta San Mamesen jokatuko dituen partidetara sarbidea. (Liga eta Kopa)

Bilbao Athleticek denboraldi osoan zehar Lezaman jokatuko dituen partidetara sarbidea.

Zozketan lehentasuna izatea, 2.000 plazak betetzen badira. (taldeka izen ematekotan, taldeko kide guztiak Bikain izan beharko dira lehentasun hau eukitzeko).

Abonoen prezioak:

GAZTE ABONOA 14-20

320 euro 14 eta 20 urte bitartekoentzat (2001eko abuztuaren 16tik 2009ko maiatzaren 28ra arte jaiok).

GAZTE ABONOA 14-20 BIKAIN*

420 euro 14 eta 20 urte bitartekoentzat (2001eko abuztuaren 16tik 2009ko maiatzaren 28ra arte jaiok).

GAZTE ABONOA 20-28

350 euro 20 eta 28 urte bitartekoentzat (1993ko abuztuaren 16tik 2001eko abuztuaren 15era arte jaiok).

GAZTE ABONOA 20-28 BIKAIN*

450 euro 20 eta 28 urte bitartekoentzat (1993ko abuztuaren 16tik 2001eko abuztuaren 15era arte jaiok).

* 100€ gehigarriak bazkide-egoerara sartzeko bazkidetza-kuoten zenbatekoari kenduko zaizkio Gazte Abonoak etorkizunean Athletic Clubeko bazkide gisa sartzea erabakitzen badu.

Kokapena: Ipar Behe Harmaila (Animazio Harmaila).





San Mameserako sarbidea:

Gazte Abonoa lortzen dutenek txartel digitala izango dute, Athletic Cluben app ofizialaren bitartez erabili beharko dutena (ezin izango dira abonook utzi, ezta app ofizialaren bidez, pertsonalak eta besteraezinak bait dira). Athletic Clubek abonatuaren kodigoa eta PIN zenbakia emango die abonoa lortzen duten guztiei txartel digitala aktibatu eta San Mamesera sartu ahal izan daitezten.

Abonoa lortzeko baldintzak:

- 1- Gazte Abonoa eskuratzeko, interesdunek Athletic Clubi izena, abizenak, NAN zenbakia, jaioteguna, telefonoa, helbide elektronikoa eta baita nahi den abonoaren tipologia ere (normala eta bikain) eman behar dizkiote.
- 2- Pertsona bakoitzeko izen emate bat bakarrik onartuko da. Bat baino gehiago egongo balitz, lehenengoari eutsiko zaio, berdin du besteren bat talde izen emate batekoa den edo ez.
- 3- Gazte Abonoa pertsonala eta besteraezina da, pertsona titularra hura ondo erabiltzeaz arduratu beharko da. Erabiltzaileek onartzen dute edozein unetan indarrean dauden egiaztapen-kontrol guztiak egin ahal izatea eta klubak emandako datuen kontrolak egin ahal izatea. Hirugarren batek sarrera-dokumentua erabiltzeak honi sarrera debekatzea edo zelaitik kanporatzea dakar, bai eta haren titularrari dagozkio Klubaren diziplina-araubidea aplikatzea eta diziplina-ondorio batzuk jasatea re. Ondorio berberak aplikatuko zaizkio Klubari Gazte Abonoa lortzeko datu okerrak ematen dizkionari.
- 4- Kiroleko indarkeria, arrazakeria, xenofobia eta intolerantziaren aurkako uztailaren 11ko 19/2007 Legearen 6. eta 7. artikuluetan ikusleentzat ezarritako zelaian sartzeko eta egoteko baldintzak beteko dituela aitortzen du abonoaren eskuratzzaileak, eta konpromisoa hartzen du lege horren 2.1 eta 2.2 artikuluetan aurreikusitako egintza edo jokabiderik ez egiteko, bai eta kirol-esparruaren barne-araubideko arauak errespetatzeko ere.
- 5- Animazio Harmailan erakusten diren animazio-materialak, dagozkien lege-baldintzak betetzeaz gain, aldezturik onartu beharko ditu Kluba. Horiek zale-talde edo peña bat identifikatzen dutenean, talde edo peña hori behar bezala inskribatuta egon beharko da klubaren jarraitzaileen jardueren erregistro-liburuan, eta haren erabileraren arduradun bat egon beharko da.
- 6- Eskuratzzaileak konpromisoa hartzen du taldeari etengabeko babes iraunkorra eskaintzeko, betiere aurkako talde eta zalegoarekiko kirol-jokabide eredu garria edukita, ekintza edo kantu iraingarriak egin gabe.



7- Eskuratzailleak berriaz hitzematzen du Klubeko segurtasun-langileek edo -zerbitzuek unean-unean eman ditzaketen jarraibideak beteko dituela.

8- Eskuratzailleak berriaz onartzen du arau hauek ez betetzeak dagozkion zehapen-neurriak aplikatzea ekar dezakeela, besteak beste, Gazte Abonoaren izaera galtzea eta etorkizunean izaera hori eskuratzeko edo Klubean bazkide gisa sartzeko desgaitzea.

Kirol-esparrura sartzeko baldintzak.

1. Debehatuta dago:

a) Edozein motatako armak edo horien ondorio berak eragin ahal dituzten gauzakiak sartzea, eramatea edo erabiltzea, baita bengalak, petardoak, lehergaiak eta, oro har, produktu sukoiak, ke-eragileak nahiz korrosiboak ere.

b) Indarkeriara bultzatzen duten mezudun pankartak, banderak, ikurrak edo beste seinale batzuk sartzea, erakustea nahiz prestatzea, edo baita ere haiek pertsona eta pertsona-talderen bat bere arraza-nahiz etnia-jatorriagatik, erlijioagatik zein iritziengatik edo bere minusbalotasunagatik, adinagatik edo sexu-joeragatik mehatxaturik, iraindurik edo laidoztaturik sentiarazten dutenean.

c) 2. artikulua lehenengo eta bigarren ataletan indarkeriazkotzat, arrazistatzat, xenofobotzat edo intolerantetzat jotzen diren jokabideak izatea.

d) Kirol-esparrura edari alkoholduen, droga toxikoen, estupefazianteen edo sustantzia psikotropikoen eraginpean sartzea.

e) Kirol-esparrura sartzea horrexetarako balioko txartelik gabe.

f) Arautegian xedatzen den beste edozein portaera, beti ere horrek portaera indarkeriazkoak, arrazistak, xenofoboak edo intoleranteak sustatzen lagundu badezake.

2. Kirol-lehiaketa eta -ikusketetako ikusleak eta bertaratuak hartarako ipinitako kontrolen pean jarri behar dira, aurreko atalean adierazitako baldintzak egiaztatzeko, eta bereziki:

a) Telebista-zirkuitu itxiz grabatuak izateko bai kirol-esparruaren inguruetan, bai haren sarbideetan eta bai barruan.

b) Aurreko ataleko a) eta b) puntuetan jasotako betebeharrak egiaztatzearen egiten diren miaketa pertsonalak onartzea.



3. Sartzea eragotziko zaio aurreko atalean adierazitako portaeretakoko bat duen edozein pertsonari, bere jarrera oneratzeko ez duen artean, edo kanporatua izateko zioen baten pean erori bada.

Aurrekoari jarraiki, jakinarazten da ikusleei kirol-esparrura sartzea eragotzi dakiekeela, edari alkoholdunak, armak, hala balira lez erabili daitezkeen gauzakiak, eta bengalak zein antzekoak sartzeagatik, edo edari alkoholdunen, droga toxikoen, estupefazianteen edo sustantzia psikotropikoen eraginpean daudenei. Zehazki, kirolean indarkeria, arrazakeria, xenofobia eta intolerantzia prebenitzeko Arautegia onesten duen otsailaren 26ko 203/2010 Errege Dekretuko 20.2. artikulua ezarritakoari jarraiki, sarrera-erosle eta -erabiltzaileari jakin eragiten zaio kirol-esparrua bidez zaindutako eremu bat dela, norgehiagoka ikustera bertaratuen eta parte-hartzaileen segurtasunerako, betiere, eta kirol-esparrura sartzea eta han egotea debekatuko zaiela gutxienez, honako zio hauengatik:

- a) Liskar, istilu, borroka nahiz desordena publikoetan parte hartzea.
- b) Honako hauek sartzea, eramatea edo erabiltzea: armak, edozein motatakoak, nahiz haien ondorio berak eragin ahal dituzten gauzakiak, hala nola, ziztatzaileak, ebakitzaileak, edo 500 gramo/mililitrotik gorakoak, jaurtigai gisa erabili ahal direnak, hala nola, ontzi zurrunetan sartutako janariak, edari botilaratuak edo potoetan daudela.
- c) Bengalak, petardoak, lehergaiak edo, oro har, produktu sukoiak, ke-eragileak edo korrosiboak eta gailu piroteknikoak sartzea edo edukitzea.
- d) Edari alkoholdunen, estupefazianteen, psikotropikoen estimulatzaileen edo antzeko sustantzien eraginpean egotea.
- e) Edozein motatako edari alkoholdunak sartzea edo saltzea, bai halaber sustantzia estupefazianteak, psikotropikoak edo antzekoak.
- f) Indarkeriara edo terrorismora bultzatzen duten mezudun pankartak, banderak, ikurrak edo beste seinale batzuk sartzea, erakustea nahiz prestatzea, bai halaber, aipatu mezuak direla-eta, pertsona eta pertsona-talderen bat bere arraza- nahiz etnia-jatorriagatik, erlijioagatik zein iritziengatik, bere minusbaliotasunagatik, adinagatik sexuagatik edo sexu-joeragatik mehatxaturik, iraindurik edo laidoztaturik sentiarazten dituztenak.
- g) Indarkeriara edo terrorismora bultzatzen duten abestiak, adierazpenak nahiz soinuak ematea edo haietarako jarrerak izatea, edo pertsona nahiz pertsona-talderen bat bere arraza zein etniagatik, minusbaliotasunagatik, erlijioagatik, iritziengatik, sexuagatik edo sexu-joeragatik, laidoztatu asmo dutenak.
- h) Jokalekuan sartzea.



i) Edozein kirol-esparrutara sartzeko debekuarekin zehatua izana, zehapena bera iraungitzen ez den bitartean.

Eta ildo berean, kirol-esparruan egoteko baldintzak, lehen aipatutako 19/2007 Legean ezarritakoak izango dira, eta bereziki::

7. artikulua. Kirol-esparruan egoteko baldintzak.

1. Kirol-norgehiagoketan Ikusleak kirol-esparruan egon ahal izateko baldintzak dira indarkeriazko ekintzak ez egitea, ez arrazistak, ez xenofoboak, ez intoleranteak, ez haietara bultzatzen dutenak, Lege honexetako lehenengo eta bigarren ataletan definitutakoaren arabera; bereziki:

a) Inor ez jotzea, ez ordena publikoa asaldatzea..

b) Ez ematea abesti, soinu edo kontsigna arrazistak edo xenofoboak, ez intolerantziakoak, ez indarkeriara edo terrorismora bultzatzen dutenak, ez Konstituzioaren beste edozein urraketa dakartenak.

c)) Indarkeriara edo terrorismora bultzatzen duten pankartak, banderak, ikurrak edo beste seinale batzuk ez erakustea, ezta ere mezu arrazista, xenofobo edo intoleranteak dituztenak.

d) Ezelako gauzakirik ez botatzea.

e) Jokalekuan baimen barik ez sartzea.

f) Kirol-ikuskitzuna egiten edo garatzen ari diren instalazioetan edo esparruetan ezelako armarik edo ondorio berak eragin ahal dituen gauzakirik ez edukitzea, ez aktibatzea edo ez jaurtitzea, ezta bengalarik, petardorik, lehegairik ez, oro har, produktu sukoirik, ke-sortzailerik ez korrosiborik ere.

g) Bere garaian aurreikusitako segurtasun-baldintzak eta arautegiaz xedatzen direnak betetzea.

2. Era berean, hurrengo hauek dira, ikusleak kirol-esparruan egon ahal izateko baldintzak:

a) Ez hartzea alkoholdun edaririk, droga toxikorik, estupefaziaterik, ez sustantzia psicotropikorik.

b) Norberak kirol-esparruan sartzeko duen txartelari dagozkion jarleku mota eta jesarlekua hartzea, baita ere txartel hori erakustea segurtasun-gorputz eta -indarrek eta antolatzailearen edozein enplegatuk edo laguntzailek eskatutakoan.



c) Kirol-esparruaren barne arautegiak betetzea.

3. Aurreko ataletan adierazitako betebeharrak ez betetzeak segurtasun-indarrek kirol-esparrutik kanporatzea ekarriko du, ondoren kasu batzuetan ezarri dakizkiokeen zehapenen kalterik gabe.

4. Kirol-lehiaketa eta –ikuslizunetako ikusle bertaratuek baketsuki utzi beharko dute kirol-esparrua eta horren inguruetatik ere alde egin, hala eskatu zaienean segurtasun-zioengatik zein lehenengo atalean aipatzen diren egoteko baldintzak ez betetzeagatik.

Estadioa bertan behera utziz gero, ezin izango da berriro sartu txartela berriro aurkeztu arren.

Klubak partiduaren irudi eta jabetza intelektualaren eskubide guztiak gordetzen ditu. Estadiora joaten diren pertsonak baimena ematen dute publikoaren parte gisa grabatzeko, euren irudia doan eta ondorio guztietarako eman ez Athletic Club-i.

Erabat debekatuta dago Klubaren berriazko baimenik gabe partidua argazki, filmatu edo grabatzea eta laser erakusleekin edo antzekoekin sarbidea, baita animalien sarrera ere, Klubak baimendutakoak izan ezik (Itsutxakurrak).